

Inuussutissarsiornermut, Suliffeqarnermut Inuussutissarsiutinullu ilinniartitaanermit Naalakkersuisoqarfik
Inuussutissarsiornermut Pisortaqaarfik
Landsstyreområdet for Erhverv, Arbejdsmarked og Erhvervsuddannelser
Erhvervsdirektoratet
Ministry of Industry, Labour and Vocational Training
Department of Industry

Inatsisartut Inuussutissarsiornermut Ataatsimiititaliaat (MAANI)

UKA2007/47-imut (Imerkik pilersuineq pillugu inatsisartut peqqussutissaattut siunnersuut) aamma UKA2007/48-imut (Nukimmik pilersuineq pillugu inatsisartut peqqussutaata allangortinneqarnissaa pillugu inatsisartut peqqussutissaattut siunnersuut) tunngatillugu ataatsimiititaliaq apeqqutaanut akissut

3.10.2007
J.nr..29.00

Postboks 1601
3900 Nuuk
Oq/tel +299 34 50 00
Fax +299 32 56 00
ip@gh.gl
www.nanoq.gl

UKA 2007/47-ip (Imerkik pilersuineq pillugu inatsisartut peqqussutissaattut siunnersuut) aamma UKA 2007/48-ip (Nukimmik pilersuineq pillugu inatsisartut peqqussutaata allangortinneqarnissaa pillugu inatsisartut peqqussutissaattut siunnersuut) Inatsisartuni siullermeerneqarneri tunngavigalugit Inuussutissarsiornermut Ataatsimiititaliaq itisiliisunik arlalinnik apeqquteqarpoq.

Tulliuttumi apeqqutit ataasiakkaarlugit akissuteqarfigissavakka.

- 1) Siunnersuutit inuussutissarsiortunut aningaasalersuinikkut qanoq nammakkiitigissanersut annertuumik nalornissutigineqarpoq. Inatsisissatut peqqussutissatullu siunnersuutinik suliarinninnermi inuussutissarsiortunut aningaasaqarnikkut allaffissornikkullu kingunerisassat naatsorsornissaannut inatsimmullu nassuiaatini tamanna pillugu aalajangersimasumik paasissutissiinissaminnut Naalakkersuisut pisussaataitaapput. Aalajangersimasumik naatsorsuinissamut periarfissaqanngippat misilittakkat tunngavigalugit missingiisoqassaaq, assersuutigalugu suliassaqaarfimmi ukiuni arlalinni sanaartornermut aningaasartuutit agguaqatigiissillugu atorineqartut tunngavigalugit. Kisitsisitigut paasissutissanik aalajangersimasunik saqqummiusseqqullugu Inuussutissarsiornermut, Suliffeqarnermut Inuussutissarsiutinullu Ilinniartitaanermit Naalakkersuisoq maanna qinnuigineqarpoq, inatsisissatut suliniutit inuussutissarsiortunut aningaasartuutitassai erseqinnerusumik missingerneqarsinnaanngitsut Inuussutissarsiornermut Ataatsimiititaliaq taparseruminaatsinneqarnerat pissutigalugu.

Akissut: Siunnersuutit aningaasaqarnikkut kingunissai erseqqinnerusut siumoortumik naatsorsorneqarsinnaanngillat, suliffeqarfiup aalajangersimasup piginnaasatigut allilerinissamut kissaatigisai tassani apeqqutaassammata. Assersuutigalugu tassaasinnaapput imermut tankip allineqarnissaa imaluunniit imeqarfimmik nutaarluinnarmik sanaartortoqarnissaa.

Attaviligaanermut akiliutip atulersinnissaanut tunngaviusoq tassaavoq suliffeqarfimmit aalajangersimasumit kissaateqartoqarnera naapertorlugu piginnaasap allilerneqarneranut Nukissiorfiit arlaleriarlutik aningaasaliisarsimanerat. Piginnaasamik allilerineq suliffeqarfimmit sivikitsuinnarmik atorneqarsimasoq. Taamaalilluni suliffeqarfik akit aqqutigalugit allilerinerup aningaasalersornissaanut peqataasimangilaq. Aningaasartuutit taamaattumik sumiiffimmi pineqartumi atuisunit akilerneqarput.

Assersuutigalugu Alluitsup Paani aalisakkerivik maannakkut matusimasup pilersorneqarnissaa pissutigalugu Nukissiorfinni piginnaasatigut 7,2 mio. kr.-inik allilerisoqarnissaanik kinguneqarsimavoq. Tamanna sumiiffimmi atuisunut 2006-imi kwh-imut ataatsimut innaallagjaq 2,14 kr.-imiit akit qaffasinnerpaaffissaannut 2007-imi kwh-imut ataatsimut 3,15 kr.-imut akit qaffannerannik kinguneqarsimavoq. Ukiuni aggersuni taassuma qaffannissaa 2008-imi kwh-imut ataatsimut 3,38 kr.-iussaaq 2009-imilu kwh-imut ataatsimut 3,61 kr.-issalluni.

- 2) Attaviligaanermut akileeqataassutit annertussusissaat Naalackersuisunit qanoq naatsorsorneqalersaarneqarnerasoq, tassunga ilanngullugu akileqquneqartut nalaatsortooqqunagit assigiiaartumik naatsorsueriaatsimik qanoq qulakkeeriniarnersut pillugu peqqussutip oqaasertaani inatsimmulluunniit nassuiaatini aalajangersimasumik paasissutissiisoqanngilaq. Taamaattumik makku akissuteqarfigineqarnissaat kissaatigineqarpoq:
 - a) Attaviligaanermut akileeqataassutinut aningaasartuutininik attaviligaanermullu akileeqataassutit sunik matussusiinissaannik Naalackersuisut naatsorsuinerannut aningaasartuutit sorliit ilaatinneqassappat? Assersuutigalugu allaffissornermut aningaasartuutit ilanngunneqassappat, taamaassappallu sorliit?
 - b) Attaviligaanermut akileeqataassutip attaviligaanermut aningaasartuutaasut tamaasa imaluunniit taakku procentiisa ilaat matussusissavai?
 - c) Attaviligaanermut akileeqataassutip pisarnertut naatsorsorneqartarnera pisuni aalajangersimasuni suliffeqarfimmut naammaginangitsumik ernumanartortaqarpat immikkut akuersissuteqarnissamut periarfissaqassava?

Akissut:

a) Attaviligaanermut akiliutip akileqquneqarnissaanut periusissaq inaarutaasoq suli aalajangersarneqanngilaq. Illuatungerisat attuumassuteqartut peqatigalugit suliap taassuma naammassineqarnissaa Naalackersuisunit sulissutigineqarpoq. Innaallagiamik imermilluunniit pilersuinermi piginnaasatigut allilerisoqarnissaanik suliffeqarfik ataaseq kissaateqassappat sanaartornermi aningaasartuutit Nukissiorfimmut aningaasartuutaasut tamarmik naatsorsuinermi ilaatinneqassapput. Suliffeqarfiup kissaataanit annertunerusumik Nukissiorfiit piginnaasamik

allilerissappata tamanna naatsorsuineranut ilaatinneqassanngilaq. Periusissaq aalajangersimasoq matumani pineqarpoq.

b) Attaviligaanermut akiliutip aningaasartuutaasunit tamarmiusunit annikinnerunissaa sulissutigineqarpoq. Tamanna qanoq annertutigissanersoq maannakkut suli aalajangersarneqanngilaq.

c) Immikkut akuersisoqartarnissaa pillugu pilersaaruteqartoqanngilaq. Attaviligaanermut akiliutip annertusissaa pisuni ataasiakkaani suliffeqarfiup pilersinneqarnissaa/allilerinissaa sioqqullugu naatsorsorneqartassaaq. Taamaattumik aningaasartuut taanna aningaasartuutit nalilersornerinut ilaatissanerlugu suliffeqarfiup nammineq aalajangertussaassavaa.

- 3) Attaviligaanermut akileeqataassutit kukkusumik naammaganngitsumilluunniit naatsorsorneqarsinnaaneranut suliffeqarfiit inatsisitigut illersorneqarnissaat Naalakkersuisut qanoq qulakkeernalersaarpaat?

Akissut: Attaviligaanermut akiliut aalajangersimasumik naatsorsorneqartassaaq, taamaalilluni assigiaartumik sullissinissaq qulakkeerneqarluni. Aalisakkeriviit allallu illuatungerisat attuumassuteqartut ilusissap aalajangersarlugu suliarinerani peqataatinneqassapput. Tamatuma saniatigut Nukissiorfinnut naleqqiullugu Inuusutissarsiornermut Pisortaqarfik ullumikkut naammagittaalliorfiuvoq.

- 4) Nukissiorfiit, aamma aktiaateqarluni ingerlatseqatigiiffingorsinnaanerata kingorna, attaviligaanermut akileeqataassutinik akileeqquisinnaatitaanerata attatiinnarneqarnissaa siunertarineqarpa? Nammakkiissutaasumik aalajangiinerit taamaattut aktiaateqarluni ingerlatseqatigiiffinnut namminersortunut allanut il.il. inatsisitigut pituttugaalluni atuuttussamik aktiaateqarluni ingerlatseqatigiiffiit namminersortut aalajangiisinnaatitaanerata Naalakkersuisunit toqqissisimanartinneqarpa?

Akissut: Ingerlatseqatigiiffik aktiaateqarluni ingerlatseqatigiiffingortinneqarpat Nukissiorfiit aamma attaviligaanermut akiliummik akileeqquisassapput. Akileeqquisarnissamut periusissaq Naalakkersuisunit suliarineqassaaq aamma Nukissiorfiit immikkut ittumik aningaasartuuteqartinneqarpata aatsaat akileeqquisoqartassaaq, taamaangippat atuisunut nuunneqartussaassamat. Naalakkersuisut taamaattumik taamatut aqqissuussinermut toqqissisimapput.

- 5) Aningaasaliinissamut aalajangiisoqannginnerani attaviligaanermut akileeqataassutip annertussusia pillugu suliffeqarfiit siumoortumik nalunaarfigineqarsinnaatitaassappat? Taamaattoqanngippat aningaasaliinermi aningaasaqarnikkut kingunerisassat suliffeqarfiit paasiuminaatseratarsinnaavaat. Taamaassappat suliffeqarfik aningaasaliiniermik siumoortumik taamaatitsiinnarneranik tamanna kinguneqarsinnaassaaq.

Akissut: Suliffeqarfiit innaallagiamik imermillu pilersuineranut kissaatai attaviligaanermut akiliummik akiliinissamik kinguneqassanersut siumoortumik ilisimatinneqartassapput. Taamaattoqassappallu akiliutissaq qanoq annertutigissanersoq.

Aammattaaq pingaartumik imermik pilersuineq pillugu peqqussummut (UKA 2007/47) atatillugu makku apeqqutigineqarput:

- 6) Erngup pitsaassusissaata peqqussummi ilaatinneqannginneranut suna tunngavigineqarpa? Pilersuisussaataaeranut apeqqummi erngup pitsaassusissaanut pisussaataaffik immikkut sammineqanngitsoq ersarippoq.

Akissut: Erngup pitsaassusaa avatangiisit innarlitsaaliorneqarnissaannik Inatsisartut peqqussutaat nr. 12, 22. december 1988-imeersumit malittarisassaqaartinneqarpoq. Avatangiisinut Pinnngortitamullu Pisortaqaarfik maannakkut imeq imigassaq pillugu nalunaarutissamik piareersaavoq. Imermik pilersuineq pillugu inatsisartut peqqussutissaatut siunnersuummi erngup pitsaassusaa pillugu apeqqut ilaatinneqarsimappat akisussaaffiit agguarneqarnerat ersarlulissaaq. Imermik pilersuinermit annertussuseq taamaallaat siunnersuummi taamaattumik sammineqarpoq.

- 7) Imermik pilersuineq pillugu peqqussummi §§ 8-10 malillugit imermik pilersuisoqarfiit akigititaasa kiisalu tunisinermi pilersuinissamut piumasaqaatit nakkutigilluarnissaannut iluarsiivigisarnissaannullu Naalakkersuisut imminnut piginnaatippat. Imermik pilersuisoqarfiit akigititanik kiisalu tunisinermi pilersuinissamut piumasaqaatinik aalajangersaanissamut niuernermik tunngaveqartumik piginnaatitaanerisa akueriuminaatsumik akuleruffigineqarsinnaaneranut inatsisitigut naammagintartumik illersorneqarnissaat Naalakkersuisut qanoq qulakkeernalersaarpaat?

Akissut: Akinut sapinngisamik appasinnerpaanut pilersuinerup sapinngisamik annertunerpaamik atuisut isumannaarunneqarnissaasa qulakkeerneqarnissaa Naalakkersuisunit pingaartinneqarpoq. Nukissiorfiit piviusumik kisermaassisuummata Naalakkersuisut akinik pilersuinermit piumasaqaatinik akuersisarnissaat nakkutilliinermi pingaaruteqartut Naalakkersuisunit isigineqarpoq.

Naggataatigut Inuussutissarsiornermut Ataatsimiititaliap makku pillugit paasissutissinneqarnissani kissaatigaa:

- 8) Peqqussutissatut siunnersuutit taakku marluk Nukissiorfinnut, taassumalu aktiaateqarluni ingerlatseqatigiiffinngortinneqarsinnaaneranut pitsaasumik pitsaanngitsumillu qanoq kinguneqarnissaat Naalakkersuisut naatsorsuutigaat?

Akissut: Peqqussutissatut siunnersuutit naatsorsuutigineqanngillat Nukissiorfiit aktiaateqarluni ingerlatseqatigiiffinngortinneqarsinnaaneranut sunniuteqassasut. Siunnersuutit suliarineqarnera aallartinneqarput Nukissiorfiit allanngortinneqarsinnaanerant sulii sammineqalinngitsoq. Imermik pilersuineq pillugu peqqussutit siunertaa tassaavoq immikkoortumi malittarisassaqaalernissaaq, nukimillu pilersuineq pillugu peqqussutit allanngortinnissaanut siunnersuummi siunertaq tassaalluni attaviligaanermut akiliutip akileqquneqarnissaanut

tunngavissamik pilersitsinissaq. Attaviligaanermut akiliut akit assigiikkunnaarsinnerinut ilaasuuvoq Aningaasanullu inatsisikkut akuerineqarsimalluni.

- 9) Nukissiorfiit kisermaassisutut inissisimanerannut peqqussutissatut siunnersuutit taakku marluk qanoq kinguneqassanersut Naalakkersuisut naatsorsuutigaat? Imermik nukimillu pilersuinerup qanoq annertutigisortaata Nukissiorfimmit kisimi pinnani ingerlatsisunit allanit siunissami isumagineqarsinnaanera naatsorsuutigineqarpa (nukissiornermik atorluaalluni suliffissuarnik nutaanik pilersitsisinnaanissaq eqqaassanngikkaanni)?

Akissut: Peqqussutissatut siunnersuutit akuerineqassappata imermik kiisalu innaallagiamik pilersuinerimi Nukissiorfiit piviusumik suli kisermaassisuusaapput. Ullumikkut namminersortut innaallagiamik imermillu Nukissiorfinnut tunisinissaminnut periarfissaqarput, tamanna inuiaqatigiit aningaasaqarnerannut, avatangiisinut pilersuinerullu isumannaatsuuneranut iluaqutaasussatut ilimagineqarpat. Tamanna allanngortinneqassanngilaq. Namminersortuniillu pisortat pilersuinikkut attaveqataannut atassusiinerit annertoorujussuarmik aningaasartuuteqarfiusarput. Taamaattumik sumiiffinni ikitsuinnarni suli tamanna piviusunngorsinnaavoq.

- 10) Imermik nukimillu pilersuinerup, aningaasartaasa pigisallu nalillit Kalaallit Nunaanni kommuninut tunniunneqarsinnaanerannut Naalakkersuisut periarfissaqarsoraat?

Akissut: Imermik nukimillu pilersuinermut akisussaasutut ingerlatseqatigiiffittut katersorsimasutut Nukissiorfiit ingerlaannarnissaat Naalakkersuisut kaammattuutigaat. Nuna tamakkerlugu assigiiaartumik pilersuinerup annertuumik isumannaatsuunissaanik tamanna qulakkeerinnissaq. Nukissiorfiit ingerlatsinerisa ilai iluaqutaasumik kommuninut tunniunneqarsinnaapput. Assersuutigalugu sanaartorfigissaaneq. Aaqqissuussaaneermik iluarsaaqqiineramik suliap ingerlaqqinerani kommunit, Namminersornerullutik Oqartussat aamma Nukissiorfiit akornanni suli at agguarneqarnerat ilaatinneqartussaavoq.

- 11) Peqqussutissatut siunnersuutit Inatsisartunit siullermeerneqarnerat tunngavigalugu Naalakkersuisut itisiliissutaasunik allanik oqaaseqaatissaqarpat?

Akissut: Naalakkersuisut allanik oqaaseqaatissaqanngillat.

Ikinngutinnersumik inuulluaqqusillunga

Siverth K. Heilmann
Naalakkersuisunut ilaasortaq